



Na osnovu člana 2.9 stav (1) tačka 2. Izbornog zakona BiH ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20, 38/22, 51/22, 67/22 i 24/24), a u skladu s članom 2. stav (1) Instrukcije o postupku odabira, obuke i imenovanja instruktora Centralne izborne komisije Bosne i Hercegovine, Centralna izborna komisija BiH raspisuje

JAVNI OGLAS

za imenovanje instruktora za obuku kandidata za predsjednike/zamjenike predsjednika biračkih odbora u Bosni i Hercegovini

I Objavljuje se Javni oglas za imenovanje instruktora za obuku kandidata za predsjednike/zamjenike predsjednika biračkih odbora u Bosni i Hercegovini.

II Uslovi koje kandidati moraju ispunjavati:

Opći uslovi:

1. Za instruktora ne može biti imenovano lice (član 2.3. Izbornog zakona BiH):
 1. koje se ne može kandidovati u smislu odredbi članova 1.6, 1.7 i 1.7a Izbornog zakona BiH;
 2. koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);
 3. koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona;
 4. koje je kandidat za izbore za bilo koji nivo vlasti; i
 5. kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke.

Posebni uslovi:

- završen VII/1 ili VI ili IV stepen stručne spreme ili završen fakultet Bolonjskog sistema studiranja s najmanje 180 ECTS;

Poželjni uslovi:

- da je kandidat student fakulteta čiji studijski program obuhvata nastavni predmet iz oblasti andragogije

- da je kandidat u okviru formalnog obrazovanja imao nastavni predmet iz oblasti andragogije ili da je kroz profesionalni angažman učestvovao u provođenju obuke mlađih ili odraslih osoba

III Potrebna dokumentacija:

1. prijava na javni oglas (popunjen propisani obrazac)
2. potpisana izjava kandidata da se na njega ne odnose odredbe člana 2.3. Izbornog zakona BiH
3. fotokopija diplome ili uvjerenja o završenom fakultetu, odnosno višoj i/ili srednjoj školi
4. potvrda visokoškolske ustanove o statusu studenta ili potvrda institucije, ustanove ili preduzeća da je kandidat u okviru svojih poslova učestvovao u provođenju obuka osoba mlađe životne dobi i/ili odraslih osoba

IV Objava javnog oglasa:

Javni oglas bit će objavljen na službenoj internetskoj stranici Centralne izborne komisije BiH, u tri dnevna lista, na društvenim mrežama Facebook i Instagram na kojim Centralna izborna komisija BiH ima otvorene službene profile, na internetskim stranicama općina/gradova odnosno općinskih/gradskih izbornih komisija, kao i na oglasnim pločama općina/gradova.

V Rok za podnošenje prijava:

Rok za podnošenje prijava je osam (8) dana od dana objavljivanja javnog oglasa na internetskoj stranici Centralne izborne komisije BiH www.izbori.ba.

VI Organ za provođenje postupka:

Postupak provođenja procedure izbora kandidata za instruktore po javnom oglasu provest će Centralna izborna komisija BiH.

VII Imenovanje instruktora:

Po isteku roka za objavu javnog oglasa Centralna izborna komisija BiH formirat će rang-listu prijavljenih kandidata. Prilikom formiranja rang-liste prednost će imati:

- a) kandidati koji su učestvovali u provođenju obuke osoba mlađe životne dobi ili odraslih osoba,
- b) kandidati s visokom i višom stručnom spremom,

Centralna izborna komisija BiH formirat će rang-listu 90 uspješnih kandidata koji će biti imenovani za instruktore. Odluka Centralne izborne komisije BiH o izboru instruktora je konačna.

VIII Prava i obaveze instruktora:

Imenovani instruktori obavezni su pohađati obuku i testiranje koje će organizovati Centralna izborna komisija BiH.

Nakon što završe obuku instruktori će imati obavezu da:

- provode obuku kandidata za predsjednike/zamjenike predsjednika biračkih odbora u Bosni i Hercegovini;
- provode postupak testiranja kandidata i evaluacije testa;
- unose ocjenu testa u aplikaciju „Elektronska obrada biračkih odbora“ ili u predviđenu tabelu;
- kreiraju izvještaj o provedenoj obuci u formi koju odredi Centralna izborna komisija BiH.

Centralna izborna komisija BiH će posebnom odlukom odrediti visinu naknade za rad instruktora po završenom ciklusu obuke.

IX Ostale informacije

Prijave na javni oglas s potrebnim dokazima o ispunjavanju navedenih uslova potrebno je dostaviti Centralnoj izbornoj komisiji BiH putem e-maila kontakt@izbori.ba , putem pošte na adresu Centralne izborne komisije BiH: Danijela Ozme broj 7, 71000 Sarajevo ili lično u sjedište Centralne izborne komisije BiH na navedenoj adresi.

Nepotpune i neblagovremene prijave neće se uzeti u razmatranje.